

Sarajevo, 29.3.2023. godine

ZA:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

n/r
Predsjedavajućeg Skupštine Kantona Sarajevo
zastupnicima i zastupnicama u Skupštini KS

Kantonalna uprava civilne zaštite

U skladu sa članom 106. i 213. Poslovnika o Skupštine Kantona Sarajevo, dostavljam zastupničku inicijativu:

Iniciram prema Kantonalnoj upravi civilne zaštite da pokrene dijalog između šireg kruga subjekata koji jesu ili mogu biti dio strukture civilne zaštite u KS. Osim valoriziranja doprinosa koji svaki od tih subjekata pojedinačno može ponuditi u svrhu poboljšanja spremnosti kantonalne i opštinskih službi civilne zaštite, predloženi dijalog/sastanak zainteresovanih subjekata trebao bi rezultirati i prijedlozima za izmjene zakonske regulative koja uređuje oblast civilne zaštite i prije svega pravilnika o nabavci materijalno-tehničkih sredstava neophodnih za kvalitetan rad službi.

Obrazloženje:

Svjedoci smo da su u različitim lokalnim zajednicama različiti subjekti (udruženja) uključeni u strukturu civilne zaštite, pa tako u nekim lokalnim zajednicama tu strukturu pored službe civilne zaštite čine i dobrovoljna vatrogasna društva, gorske službe spašavanja, udruženja Crvenog križa, eventualno udruženja izviđača (Opština Ilidža), udruženja radio-amatera i slična udruženja.

Potrebno je napraviti analizu stanja u KS kada su u pitanju spomenute različite strukture civilne zaštite, te utvrditi potencijale za poboljšanje ukupnog stanja u KS kada je ova oblast u pitanju.

Također, u saradnji i komunikaciji sa predstavnicima opštinskih službi civilne zaštite potrebno je utvrditi tačno stanje kada je u pitanju opremljenost službi materijalno-tehničkim sredstvima, nedostacima u toj oblasti, te, najvažnije, sa kojim se to problemima susreću službe u procesu nabavke mts-a, zbog zastarjelih pravilnika. Prema informaciji koju imam, pravilnici su stari i neaktualizirani, te je nemoguće po važećim pravilnicima nabavljati modernu opremu za praćenje i spašavanje, zbog neusklađenosti važećih standarda sa savremenim potrebama i ponudom na tržištu.

Također, činjenica je da, za razliku od zakonodavstva u susjednoj Republici Hrvatskoj, pozitivno zakonodavstvo u BiH i u FBiH nije uredilo oblast izostanka sa posla volontera iz strukture civilne zaštite, što stvara probleme prilikom pojave potrebe za angažmanom volontera koji su u radnom odnosu u privatnom sektoru.

Mišljenja sam da postoji potreba za zajedničkom inicijativom opštinskih službi civilne zaštite i kantonalne uprave koja bi usmjerila zakonodavca u pravcu neophodnih izmjena zakona na entitetskom nivou (FBiH).

S poštovanjem,

Samir Avdić

Zastupnik u Klubu zastupnika SDP-a BiH u KS